



Parlamento Juvenil



Bo conoce Parlamento Hubenil Aruba



Mas pais na mundo ta wak e importancia di participacion di hobennan. E manera ariba cua ta wordo duna forma na e participacion di hubentud ta depende hopi di e circunstancianan economico, social y cultural di un pais. Hopi biaha e meta di mas importante den paisnan na unda participacion di e hubentud ta formalisa caba, ta door di scucha hobennan. Na Aruba tambe kier duna un stem na hobennan.

Ora cu Aruba a firma e Tratado di Derechonan International di lucha (y hoben) na 2001, Aruba a compromete su mes na realisa e derechonan den e Tratado aki. Un di e derechonan aki ta e derecho ariba participacion. Diferente puntonan cu Parlamento Hubenil kier duna forma na e concepto di participacion ta pa crea mas cuidadano hoben conciente di loke ta biba rond di dje, crea un tipo di lider 'nobo', desaroya y stimula e proceso democratico entre hobennan, desaroya y stimula un cultura di debate entre hobennan, promove participacion na un organisacion, desaroya confiansa propio, y crea bon lidernan pa futuro.

Fundacion Parlamento Hubenil Aruba ta un

organizacion cu ta sostene e derecho ariba participacion y e derecho ariba expression di opinion propio di hobennan. E organizacion ta consisti di Asociacion Consejo Hubenil Aruba y Comision Parlamento Hubenil Aruba cu ta pa hobennan cu edad entre 14 te cu 23 aña cu ta bay school of ta miembro di un organizacion. Asociacion Consejo Hubenil Aruba por consisti di maximal 80 miembro representando schoolnan y diferente organisacionnan hubenil na Aruba.

For di e Asociacion Consejo Hubenil Aruba lo wordo eligi democraticamente 23 miembro cu e ora lo forma e Parlamento Hubenil. E parlamentarionan hubenil aki lo organiza e encuentronan cu e miembronan di Staten y ministranan di Aruba y pa asina trese dilanti e punto di bista di e hobennan.

Miembronan ta consisti di diferente edad y background pa di e manera aki forma un representacion creibel di e poblacion di e hubentud Arubiano. Cu esaki tambe nos

ta haya sa kico ta biba bou di hubentud, nan deseonan, nan ambicionnan y nan

preocupacionnan.

Parlamento Hubenil ta ofrece e hobennan e oportunidad pa debate riba temanan cu ta concerni nos comunidad y hubentud en particular. Como miembro bo ta haya cursonan pa asina desarolla bo persona propio, y siña logra metanan den futuro y pa gana experiencia den bida. Tambe miembronan ta haya oportunidad pa traha riba diferente proyectonan cu Parlamento Hubenil y tin biaha cu cooperacion cu otro organizacionnan ta organiza, Miembronan sa di ocupa nan tempo cu diferente actividadnan educational manera reunion, debate, charla, workshops y asina ta siña desaroya nan mes no solamente intelectualmente, pero tambe mentalmente pa asina eherce nan funcion den Parlamento Hubenil. Despues di un bon debate of reunion, miembronan sa tambe con ta pasa un bon tempo hunto asina manteniedo e ambiente social y hoben semper bibo den e organizacion.

Pa mas informacion por tuma contacto cu e-mail na youthparliamentaruba@gmail.com of bishita nos facebook.

sigur tambe na e miembronan di Directiva di Fundacion pa nan sosten y apoya na e directie y personal di Fundacion. Y por ultimo na e miembronan hoben di Parlamento Hubenil Aruba cu a traha y ta trahando boluntariamente den e organisacion pa asina hiba e organisacion y su hobennan mas padilanti cu e meta principal di e organisacion

esta crea lidernan di mayan y stimuli un cultura di debate, unda e hoben su voz ta rezona y principalmente sosteniendo e derecho di mucha/hoben na Aruba.

Nos hoben di awe, lidernan di mañan

Ata aki un recorrido di diferente potretan di 2003-2013 pa cu nos 10 aña di existencia!!!!